

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. III. Solvuntur objectio Suaris,

---

[urn:nbn:de:hbz:466:1-77232](#)

## DE SCIENTIA FUTVRORVM CONTINGENTIVM .225

ex ordine ad causas inferiores, præsertim ad contingentes, & liberas. Et in hac parte quæst. 19. art. 7. ad 2. hæc scribit: *Deus aliquando prouint aliquid futurum, secundum quod continetur in ordine causarum inferiorum, puta secundum dispositionem natura, vel meritorum, quod tamen non sit: quia aliter est in causa superiori divina.* Sicut cum Isaia predixit Ezechia, *Dispone domini tue, quia morieris, & non vives, ut habetur Isaie 38. neque tamen ita evenit, quia ab eterno aliter fuit in scientia, & voluntate divina, qua immutabilis est.* Et 2. quæst. 184. art. 1. distinguit duplēm prophetiam, unam comminationis, quæ non semper impletur, sicut quando dictum fuit Iona 3. *Aduic quadraginta dies, & Ninive subvertetur:* alteram prædestinationis, quæ semper, & infallibiliter impletur: quælis erat ista. *Ecce Virgo concipiet, & pariet, &c.*

8. Colliges secundò. Ex ordine ad causas secundas necessariò operantes, dici aliquid futurum simpliciter, id est absoluè. Ex ordine ad causas secundas contingentes, ad unum extreum propensas, dici futurum cum addito. Ex ordine verò ad causas secundas contingentes, ad utrumque se habentes, nullatenus dici futurum.

9. Probatur: Illud est futurum, quod est in causa determinatum ut fiat: At quod habet esse in causa necessaria, & immutabiliter operante, est determinatum simpliciter, in causa autem contingenti, ad unam partem magis propensa, tantum haber determinationem secundum quid; & in causa contingenti omnino indifferenti, nullam habet determinationem: Ergo ex prima dicitur futurum simpliciter, ex secunda, secundum quid tantum, ex tertia autem nullo modo.

10. Confirmatur: Id est futurum, de quo potest aliqua certitudine cognosci, quod erit: Sed quod habet esse in causa necessaria, & immutabiliter operante, potest cognosci quod erit, certitudine tali simpliciter, nempe scientifica: quod autem habet esse in causa contingenti, magis ad unam partem propensa, quam ad aliam; solum potest cognosci quod erit, certitudine conjecturali, quæ est certitudo tantum secundum quid: quod demum continetur in causa contingenti, indifferenti ad utrumlibet, nullà certitudine potest cognosci quod erit: Ergo primum est futurum simpliciter, secundum solum secundum quid, tertium nullo modo, sed tantum possibile. Ita expressè docet S. Doctor in 1. dist. 38. quæst. 1. art. 5. circa medium corporis, ubi ait: *Sciendum igitur est, quod antequam res sit, non habet esse nisi in suis causis: sed causa quadam sunt ex quibus necessario sequitur effectus, quæ impediri non possunt;* & in illis habet causatum, esse certum & determinatum, ideoque potest sciri demonstrativè, si cœ est ortus Solis, Ecclipsis, & hujusmodi. Quædam autem sunt causa, ex quibus sequuntur effectus ut in majori parte, sed tamen deficiunt in minori parte: unde in ipsis effectus non habent certitudinem absolutam, sed quandam, in quantum sunt magis determinatae causa ad unum, quam ad aliud; & ideo per ipsis causas potest accipi scientia conjecturalis de futuris. Et paucis interpositis addit. Sed quadam causa sunt, quæ se habent ad utrumque, & in ipsis effectus de futuro nullam habent certitudinem, aut determinationem; & ideo contingencia ad utrumlibet in causis suis nullo modo cognosci possunt. Idem docet 1. Periherm. lect. 13. & de verit. quæst. 2. art. 12.

Tom. I.

A Dices: Quando Sanctus Thomas in his locis ponit hoc discrimen inter causas naturales, & contingentes, quod in primis effectus habent certam & determinatam futuritionem, non autem in secundis: vel in causis naturalibus, & necessariò operantibus, involvit decretum divinum prædeterminans, & applicans causas secundas ad operandum, vel illud excludit? Si primum, nulla erit differentia, quam statuit inter causas naturales, & contingentes: cum in ipsis, prout subduntur decreto efficaci, & prædeterminanti, effectus contingentes non minus infallibiliter sint determinati, quam effectus naturales in causis necessarijs. Si vero secundum dicatur, non erit verum dicere, quod effectus naturales infallibiliter evenient; cum secluso decreto prædeterminante, & applicante causas secundas ad operandum, nulla causa, etiam naturales, & necessariæ operentur.

B Respondeo, D. Thomam in his locis, neque includere, neque excludere tale decretum; sed ab illo abstrahere, non abstractione negativâ, sed merè præcisivâ: id est ad illud non attendere, nee tamen illud negare; sed intendere solum, quod quia effectus naturales, & necessarij, sunt determinati in suis causis, in illis habent certam, & infallibilem futuritionem; non tamen effectus contingentes in causis contingentibus, quæ sunt indifferentes ad utrumlibet. Nec obstar, quod Deo suspidente concursum, effectus etiam naturales, non ponentur extra causas: nam cum talis suspensio foret miraculosa, etiam miraculosum esset, quod talis effectus extra causas non ponentur: ex quo non sit falsa propositio, quæ dicitur, quod ille absoluè erit.

### §. III.

Solvitur objectio Suarez.

C O Bjicit Suarez loco suprà citato contra nostram conclusionem, & definitionem futuri in ea traditam. Si futurum esset illud quod est determinatum in causa posset aliquid fieri in tempore, quod antecedenter non esset futurum. Item posset aliquid esse futurum, quod nunquam esset præsens: Sed utrumque videtur absurdum: Ergo futurum non rectè definitur id quod in causa, ad habendam aliquando existentiam, determinatum est. Probatur sequela Majoris, quantum ad primam partem, nam posset aliquid in tempore fieri, ad quod non præcederet in causa determinatio, & inclinatio ad unam partem magis quam ad aliam, sed omnimoda indifferentia: Ergo si futuritio consistat in determinatione causæ, poterit aliquid fieri, & esse præsens in tempore, quod antecedenter non fuit futurum. Probatur etiam quantum ad secundam: Potest enim contingere causam secundam, esse ad aliquem effectum determinatam, & inclinatam, qui tamen in re non ponetur, sed ejus oppositum, quia impeditur ab alia causa superiori & potentiori: Ergo si futuritio non sit aliud, quam determinatio in causa, poterit aliquid esse futurum, quod nunquam erit præsens & existens.

D Respondeo negando sequelam Majoris, quantum ad primam partem: cum enim nihil in tempore fiat, quod non fuerit ab eterno à Deo determinatum, nihil potest esse præsens in tempore, quod non fuerit futurum ab eterno, saltem respectu causæ primæ; licet respectu causarum secundarum possit interdum contingere, quod

Ff

aliquid producatur in tempore, quod prius, prioritate temporis, & durationis, non fuit in eis determinatum, nec consequenter futurum. Duxi prioritate temporis, quia in sententia Thomistarum, nulla creatura potest in actum exire, nisi prius natura fuerit à Deo ad operandum determinata.

15. Ad secundam partem Majoris similiter dicendum est, nihil posse esse futurum per ordinem ad causam primam infallibilem, & immutabilem, quod non ponatur aliquando in tempore: per ordinem tamen ad causas secundas fallibilis, & contingentes, non repugnat quod aliquis effetus sit futurus, qui tamen nunquam erit praesens & existens, ut colligitur ex Aristotele 2. de Generat. text. 64. ubi dicit, *Futurus quis incedere, non incedet.* Quia interdum determinatio illa, quā quis volendo incedere, faciebat futuram deambulationem, vel mutatur a voluntate, vel impeditur ab alio, ne fortius suum effectum. idem docet S. Thomas 1. Periherm. cap. 8. lect. 13. Quare mirum est Suarem, in doctrina Aristotelis & D. Thoma esse adeo peregrinum, ut pro absurdo & inconvenienti reputet quod uterque apertissime tradit.

#### §. IV.

*Explicantur alia dno que restant examinanda,  
quid scilicet sit contingens, & quotplex  
sit futurum.*

16. **V**T clarè percipiatur quid sit contingens, supponeendum est ex Ferrariensi 1. contra Gent. cap. 67. effectum necessarium, & contingentem, duplice posse considerari: scilicet sub ratione entis, & sub ratione effectus. Primo modo considerantur absolute in seipsis: secundo autem, per comparationem ad causas. In prima consideratione dicitur necessarium, id quod quantum est ex propria natura, non potest deficere, ut cœlum, & Angelus, quæ ab intrinseco petunt conservari in esse, ex suppositione quod sicut; quia carent principio corruptionis inclinante ad illorum non esse: cum quo tamen sit, quod ab extrinseco anhilari possint, Deo suspendente concursum. Contingens autem dicitur, quod quantum est ex propria natura, deficere potest, quod etiam corruptibile ab intrinseco dicitur, eo quod habeat intrinsecum principium, inclinans ad illius non esse, scilicet materialm primam, quæ appetendo formam contrariam, ex consequenti appetit illius non esse; & illa necessitas, & contingentia est essentialis, & invariabiliter conveniens rebus: ita ut in quocumque statu res contingens ponatur, sit semper contingens, & necessaria, semper necessaria. In secunda autem consideratione, effectus necessarius dicitur ille, qui procedit à causa necessaria, immutabilitate agente, & quæ ab alia causa impedi non potest: contingens vero dicitur ille, qui procedit à causa quæ impedi potest, & consequenter, et si causa aliquando in ejus productionem inclinet, potest tamen non evenire.

17. Norat tamen ibidem Ferrariensis, effectum contingentem, in ratione effectus, per ordinem ad causas posse considerari duplice. Primum quantum ad naturam effectus: secundum quantum ad modum. Sub prima consideratione, semper ei convenit contingentia; quia in quocumque statu sit, semper est effectus cause impedi-

A bilis: consideratus autem quantum ad modum essendi, aliquando habet modum contingentiae, aliquando necessitatis: primum quando est intra causam, quia eti si inclinata ad ejus productionem, potest non evenire: secundum autem habet, quando est extra causas; quia omne quod est, dum est, necesse est esse, ex suppositione, & in sensu composito, non absoluto, seu in sensu diviso. Ex quibus omnibus colligi potest hæc definitio contingentis: *Contingens est id quod habet esse in causa impeditibili, sive ab intrinseco, sive ab extrinseco.*

Circa tertium quod examinandum restat, dividendum est, futurum primò dividi in absolutum, & conditionatum. Primum est cuius futuritio à nulla conditione non futura dependet. Duxi non futura: quia si conditio à qua pender, futura sit, non ideo amittit rationem futuri absoluti; ut constat in Incarnatione Christi, quæ habuit dependentiam à peccato Adami; quia tamen peccatum erat futurum, ideo Incarnatione etiam absolute futura erat.

Futurum conditionatum, est illud quod absolute non erit, estet tamen si aliqua conditio ponetur: ut si Iudas ageret paenitentiam, veniam consequeretur. Si Christus prædicasset Evangelium Tyriss, & Sydonijs, illi credidissent, & egissent paenitentiam.

C Rursus hoc futurum est duplex: Unum quod cum conditione nullam connexionem habet, & solet appellari *disparatum*. Aliud quod cum illa, aliquâ connexione connectitur. Exemplum primi, *Si capra saltet, arbor florebit. Si gallus cantet, Turca convertebitur.* Secundum quod non disparatum vocatur, est multiplex. Unum quod cum conditione, metaphysicâ certitudine est connexum, quale est istud in nostra sententia: *Si Deus voluntatem creatam ad paenitendum præmoveat, paenitebit.* Aliud quod cum conditione habet connexionem certainam tantum moraliter, consonantem in hoc, quod conditione positâ, semper eveniet, licet possit physicè non evenire, etiam in sensu composito: v. g. *Si homo gravi tentatione pulsatur, & speciali gratiâ non adjuvetur, tentationi succumbet.* Licet enim possit potentia physica resistere, absque speciali gratia Dei, gravi tentationi contra præcepta naturalia; moraliter tamen non potest, sed semper succumbet. De *Disput. de Gratia.* Aliud est quod cum art. 6. conditione habet connexionem tantum probabilem, v. g. *Si fuerit mater, diligit filium. Si Petrus confititus in necessitate, a Paulo sibi amicissimo eleemosinam petat, accipiet.* In quibus tantum probabilitate, futura cum conditione connectuntur; & hoc conditionatum probabile, suscipit magis aut minus, juxta plura, vel pauciora probabilitatis motiva.

#### ARTICVLVS II.

*An sit in Deo certa & infallibilis  
futuorum contingentium  
scientia?*

Q Vidam antiqui Philosophi futuorum contingentium præscientiam Deo denegarunt. Ex illorum numero insignis est maximè Cicero, qui libro 2. de divinatione, notitiam admittit Deo horum futuorum, quæ à causis liberis pendent,